



ORDENANZA NÚM: 25

ORDENANZA REGULADORA DO PREZO PÚBLICO POLA PRESTACIÓN DO SERVICIO DE AXUDA NO FOGAR DO CONCELLO DE SOUTOMAIOR.

ARTIGO 1. FUNDAMENTO

De conformidade co previsto nos artigos 41 a 47 e 127 do Real Decreto Legislativo 2/2004, de 5 de marzo, polo que se aproba o Texto refundido da Lei Reguladora das Facendas Locais, o Concello de Soutomaior, establece o prezo público pola prestación do servizo de axuda no fogar que se regula pola presente ordenanza e cumprindo co establecido no artigo 56 da Lei 13/2008 de Servizos Sociais de Galicia, que faculta ás administracións públicas a establecer a participación das persoas usuarias no financiamento de servizos do Sistema Público de Servizos Sociais, no Decreto 99/2012 do 16 de marzo, polo que se regulan os servizos sociais comunitarios e o seu financiamento e no capítulo II do título III do Decreto 149/2013, do 5 de setembro, polo que se define a carteira de servizos sociais para a promoción da autonomía persoal e a atención ás persoas en situación de dependencia e se determina o sistema de participación das persoas usuarias no financiamento do seu custo.

ARTIGO 2. CONCEPTO

O prezo público regulado nesta ordenanza constitúe unha contraprestación pecuniaria de dereito público que se satisfará polas persoas usuarias que voluntariamente soliciten a prestación do servizo de axuda no fogar e lles sexa concedida de acordo co previsto no regulamento do servizo.

ARTIGO 3. OBRIGADOS AO PAGAMENTO

Están obrigados ao pagamento de prezo público regulado nesta ordenanza quen se beneficie da prestación do servizo de axuda no fogar prestado polo Concello de Soutomaior. No caso de que as persoas anteriores carezan de capacidade de obrar, a obriga recaerá sobre quen ostente a súa representación legal ou, no seu caso, sobre quen exerza de feito o seu coidado.

ARTIGO 4. EXENCIÓNS

Segundo o establecido no artigos 61 e 62 do Decreto 99/2012, do 16 de marzo, polo que se regulan os servizos sociais comunitarios e a súa financiación así como nos artigos 21 e 22 da ordenanza reguladora do servizo de axuda no fogar do concello de Soutomaior, gozarán de exención da obriga de pago aqueles contribuíntes dependentes con dereito recoñecido como usuarias do servizo de axuda no fogar cuxa capacidade económica sexa igual ou inferior ao indicador público de rendas de efectos múltiples (IPREM) así como aqueles contribuíntes beneficiarios do servizo de axuda no fogar na modalidade de libre concorrencia cuxa capacidade económica sexa inferior ao 80% do indicador público de rendas de efectos múltiples (IPREM).

ARTIGO 5. CONTÍA

A contía da cota do prezo poderase actualizar conforme ao índice de Prezos do Consumo (IPC) establecido para o Estado polo Instituto Nacional de Estatística (INE).

As tarifas/hora do servizo serán as seguintes:

1. No caso das persoas dependentes con dereito recoñecido como usuarias do servizo de axuda no fogar a cota mensual a pagar determinarase polo importe resultante de aplicar a porcentaxe correspondente á súa capacidade económica segundo o establecido no artigo 7 da presente ordenanza fiscal reguladora do servizo de axuda no fogar .
2. A cota mensual a pagar para o servizo de axuda no fogar na modalidade de libre concorrencia será o resultado de multiplicar o prezo por hora contratado coa empresa prestaria do servizo polo número de horas de prestación do servizo ao mes. A participación no custo do servizo por parte da persoa usuaria determinarase en función do establecido no artigo 8 da presente ordenanza fiscal reguladora do servizo de axuda no fogar .

ARTIGO 6. FINANCIAMENTO DO SERVICIO DE AXUDA NO FOGAR.



O servizo de axuda no fogar no concello de Soutomaior financiarase a través das achegas económicas das administracións públicas pertinentes, os recursos municipais previstos no orzamento municipal anual e as achegas das persoas usuarias en aplicación dos baremos aprobados nesta ordenanza.

ARTIGO 7. DETERMINACIÓN DA CAPACIDADE ECONÓMICA E PARTICIPACIÓN NO FINANCIAMENTO DO SERVIZO DAS PERSOAS DEPENDENTES CON DEREITO DE ATENCIÓN RECOÑECIDO COMO USUARIAS DO SERVIZO DE AXUDA NO FOGAR.

1. DETERMINACIÓN DA CAPACIDADE ECONÓMICA:

a) A capacidade económica das persoas dependentes, valoradas con dereito recoñecido de atención, mediante o servizo de axuda no fogar, calcularase de acordo coas normas de valoración contidas no capítulo II do título III do Decreto 149/2013, do 5 de setembro, polo que se define a carteira de servizos sociais para a promoción da autonomía persoal e a atención ás persoas en situación de dependencia e se determina o sistema de participación das persoas usuarias no financiamento do seu custo, observándose as normas de aplicación á materia, vixentes en cada momento, polo órgano competente en materia de servizos sociais da Xunta de Galicia.

b) O resultado do cálculo da capacidade económica, correspondente ás persoas dependentes valoradas con dereito de atención recoñecido no servizo de axuda no fogar, constará na resolución do plan individualizado de atención que se desenvolva en cada caso, de conformidade co que establece o artigo 38 do Decreto 15/2010, do 4 de febreiro, polo que se regula o procedemento para o recoñecemento da situación de dependencia e do dereito ás prestacións do sistema para a autonomía e atención á dependencia, o procedemento para a elaboración do programa individual de atención e a organización e funcionamento dos órganos técnicos competentes.

2. PARTICIPACIÓN NO FINANCIAMENTO DO SERVIZO:

a) No caso de que a capacidade económica da persoa usuaria do servizo de axuda no fogar para persoas dependentes valoradas con dereito de atención recoñecido sexa igual ou inferior ao indicador público de rendas a efectos múltiples (IPREM), quedará exenta da obriga de participar no custo do servizo.

b) Nos demais supostos, aplicarase a seguinte táboa, na cal se expresa o copagamento en termos de porcentaxe sobre a capacidade económica da persoa usuaria e en función da intensidade do servizo asignado:

Capacidade (referenciada Ao Ata	económica IPREM)	Grao I	Grao II	Grao III
		<=20 h	<=45 h	<=70 h
100,00 %		0,00 %	0,00 %	0,00 %
115,00 %		4,52 %	9,61 %	14,70 %
125,00 %		5,41 %	11,50 %	17,58 %
150,00 %		5,55 %	11,79 %	18,03 %
175,00 %		5,65 %	12,00 %	18,35 %
200,00 %		5,72 %	12,16 %	18,60 %



Capacidade (referenciada Ata	ao	económica IPREM)	Grao I	Grao II	Grao III
			<=20 h	<=45 h	<=70 h
215,00 %			5,81 %	12,34 %	18,87 %
250,00 %			6,03 %	12,82 %	19,61 %
300,00 %			6,24 %	13,26 %	20,29 %
350,00 %			6,42 %	13,63 %	20,85 %
400,00 %			6,54 %	13,90 %	21,25 %
450,00 %			6,63 %	14,09 %	21,55 %
500,00 %			6,70 %	14,25 %	21,79 %
>500 %			6,76 %	14,36 %	21,97 %

c) Nos casos en que, por renuncia parcial expresa da persoa beneficiaria ao seu dereito de atención co número de horas expresadas no Programa Individual de Atención, ou cando por tratarse dun suposto de compatibilización do servizo de axuda no fogar con outro servizo ou prestación do catálogo, as horas reais prestadas de servizo de axuda no fogar sexan inferiores á cantidade expresada en cada columna da táboa anterior para o grao correspondente, a cantidade a pagar será minorada proporcionalmente á diminución das horas efectivas de servizo.

Nos supostos nos que a persoa beneficiaria teña recoñecido no seu Programa Individual de Atención maior número de horas de atención das expresadas na táboa, estarase ao disposto na normativa en vigor aplicable á materia.

d) En ningún caso, o importe da participación económica que deberá ingresar a persoa beneficiaria en concepto de copagamento poderá exceder o 90% do custo do servizo, determinado en termos de prezo/hora.

e) No caso das atencións e servizos complementarios do nivel básico do servizo de axuda no fogar, prestados ás persoas dependentes valoradas con dereito de atención recoñecido, para os efectos de facer efectiva a obriga de participar no custo do servizo por parte das persoas usuarias, aplicarase a seguinte táboa, na cal se expresa a súa participación en termos de porcentaxe sobre a capacidade económica da persoa usuaria e en función da intensidade e do tipo de atención ou servizo asignado:



% Capacidade económica (referenciada ao IPREM) Ata	Grao I			Grao II			Grao III		
	Adaptacións funcionais do fogar, podoloxía, fisioterapia	Actividades de acompañamento, socialización, desenvolvemento de hábitos saudables	Servizo de préstamo de axudas técnicas	Adaptacións, funcións do fogar, podoloxía, fisioterapia	Actividades de acompañamento, socialización, desenvolvemento de hábitos saudables	Servizo de préstamo de axudas técnicas	Adaptacións funcionais do fogar, podoloxía, fisioterapia	Actividades de acompañamento, socialización e desenvolvemento de hábitos saudables	Servizo de préstamo de axudas técnicas
	<=15			<=28			<=45		
100,00 %	0,00 %	12,87 %	13,76 %	0,00 %	22,73 %	24,29 %	0,00 %	35,51 %	37,95 %
115,00 %	5,98 %	13,10 %	14,00 %	10,56 %	23,12 %	24,71 %	16,50 %	36,13 %	38,61 %
125,00 %	7,15 %	13,39 %	14,31 %	12,63 %	23,64 %	25,26 %	19,73 %	36,94 %	39,47 %
150,00 %	7,34 %	13,52 %	14,44 %	12,95 %	23,87 %	25,50 %	20,24 %	37,29 %	39,85 %
175,00 %	7,47 %	13,61 %	14,54 %	13,18 %	24,03 %	25,67 %	20,60 %	37,54 %	40,12 %
200,00 %	7,57 %	13,76 %	14,70 %	13,36 %	24,29 %	25,96 %	20,87 %	37,96 %	40,56 %
215,00 %	7,68 %	13,83 %	14,78 %	13,56 %	24,42 %	26,09 %	21,18 %	38,16 %	40,77 %
250,00 %	7,98 %	13,96 %	14,91 %	14,09 %	24,64 %	26,33 %	22,01 %	38,50 %	41,14 %
300,00 %	8,25 %	14,06 %	15,02 %	14,57 %	24,82 %	26,52 %	22,77 %	38,78 %	41,44 %
350,00 %	8,48 %	14,16 %	15,13 %	14,98 %	25,00 %	26,72 %	23,40 %	39,07 %	41,74 %
400,00 %	8,65 %	14,35 %	15,33 %	15,27 %	25,33 %	27,06 %	23,85 %	39,57 %	42,29 %
>400,00 %	8,77 %	14,48 %	15,48 %	15,48 %	25,57 %	27,32 %	24,19 %	39,95 %	42,69 %

ARTIGO 8. DETERMINACIÓN DA CAPACIDADE ECONÓMICA E PARTICIPACIÓN NO FINANCIAMENTO DO SERVIZO DAS PERSOAS USUARIAS NA MODALIDADE DE ACCESO POR LIBRE CONCORRENCIA AO SERVIZO DE AXUDA NO FOGAR.

1. DETERMINACIÓN DA CAPACIDADE ECONÓMICA:

a) Computarase a renda de todas as persoas residentes na mesma unidade de convivencia. Para estes efectos considérase renda a suma de calquera das modalidades de ingreso a que se refire o artigo 6.2 da Lei 35/2006, do 28 de novembro, do imposto sobre a renda das persoas físicas.

b) Computarase, así mesmo, o patrimonio neto de todas as persoas residentes na unidade de convivencia. Para estes efectos, enténdese por patrimonio neto o conxunto de bens e dereitos de contido económico de que sexan titulares, determinados consonte as regras de valoración recollidas na Lei 19/1991, do 6 de xuño, do imposto sobre o patrimonio, con dedución das cargas e gravames de natureza real que diminúan o seu valor, así como das débedas e obrigas persoais das cales deba responder. Igualmente, para o cómputo do patrimonio neto deberán terse en conta as exencións que prevé a Lei 19/1991, do 6 de xuño, do imposto sobre o patrimonio, ao respecto da vivenda habitual e doutros bens e dereitos.

c) A capacidade económica calcularase sumando todas as rendas computables, modificadas á alza pola suma dun 5% de patrimonio neto en cómputo anual, e dividindo o resultado da dita suma entre o total de persoas que conviven no fogar.



2. PARTICIPACIÓN NO FINANCIAMENTO DO SERVIZO:

a) Para o servizo de axuda no fogar, en réxime de libre concorrència, para as persoas que non teñan recoñecemento da situación de dependencia, ou non as asista o dereito de acceso efectivo ao catálogo de servizos de atención dependencia, segundo o calendario de implantación que se establece na Lei 39/2006, aplicarase a seguinte táboa que regula unha progresiva participación económica no custo do servizo en base ao cálculo da capacidade económica per cápita, de acordo co establecido no artigo 22 da ordenanza reguladora da prestación do servizo de axuda no fogar do Concello de Soutomaior.

Capacidade económica	Participación no custe do servizo de SAF libre concorrència ou básico
Menor do 0,80% do IPREM	0%
Maior do 0,80% e menor ou igual a 100% do IPREM	10%
Maior do 100% e menor ou igual a 125% do IPREM	20%
Maior de 125% e menor ou igual a 150% do IPREM	30%
Maior de 150% e menor ou igual a 175% do IPREM	40%
Maior de 175% e menor ou igual a 200% do IPREM	50%
Maior de 200% e menor ou igual a 225% do IPREM	60%
Maior de 225% e menor ou igual a 250% do IPREM	70%
Máis do 250% do IPREM	90%

b) Sen prexuízo do anterior, poderán establecerse excepcións aos criterios xerais do referido copagamento nos casos en que a situación causante da aplicación do servizo de axuda no fogar sexa unha problemática de desestructuración familiar, exclusión social ou pobreza infantil, circunstancia que deber estar debidamente xustificada no correspondente informe social.

c) En calquera caso, establecerase un límite máximo de participación económica das persoas usuarias do 40 % da súa capacidade económica.

ARTIGO 9 . NACEMENTO DA OBRIGA DE PAGO

O réxime xurídico da participación económica das persoas usuarias no custo do servizo é o establecido polo Real decreto lexislativo 2/2004, do 5 de marzo, polo que se aproba o texto refundido da Lei de Facendas Locais.

A obriga de pagar os prezos públicos regulados nesta ordenanza, nace, en xeral, dende que se inicie a prestación do servizo e deberá facerse efectivo de acordo coas seguintes normas de xestión:

1. Os prezos públicos contemplados nesta ordenanza satisfaranse con carácter posterior á prestación do servizo e con carácter específico, durante os vinte primeiros días do mes seguinte.

2. Por parte do concello e, sobre a base do parte de traballo asinado, conxuntamente pola persoa usuaria e polo persoal de atención directa, elaborárase un recibo individual có importe



Concello de
SOUTOMAIOR
PONTEVEDRA

correspondente ao servizo prestado no mes anterior, que se remitirá á entidade bancaria elixida pola persoa beneficiaria, para que se efectúe o pagamento.

ARTIGO 10. NORMAS DE XESTIÓN

Nos supostos de suspensión temporal do servizo cobraranse as horas efectivamente prestadas. A comunicación desta suspensión deberá facerse con dez días naturais anteriores ao día da suspensión consonte ao establecido no artigo 9 da Orde de 22 de xaneiro de 2009, pola que se regula o servizo de axuda no fogar. En calquera caso será imprescindible o informe social do/a traballador/a social, que incorporarse ao expediente individual/familiar.

A falta de pago reiterada, entendéndose por reiterada a falta de pago durante tres cotas mensuais consecutivas ou alternas por causa imputable ao obrigado ao pagamento, determinará a interrupción da prestación do servizo e declaración de baixa.

As persoas usuarias do servizo de axuda no fogar na modalidade de libre concorrência, anualmente, ou antes no caso de producirse cambios na súa situación económica e/ou patrimonial deberán presentar no departamento de servizos sociais do concello a documentación requirida aos efectos de actualizar o coste do servizo, de selo caso.

ARTIGO 11. INFRACCIÓNS E SANCIÓN

As infraccións e sancións rexeranse, no relativo aos pagos, pola Lei 58/2003, do 17 de decembro, Xeral Tributaria e polo Real Decreto 939/2005, do 29 de xullo, polo que se aproba o Regulamento Xeral de Recadación, e no resto das materias, polo disposto na Lei 13/2008, de 3 de decembro de servizos sociais de Galicia.

DELEGACIÓNS

De acordo co disposto no artigo 47 do Real Decreto Lexislativo 2/2004, de 5 de marzo, polo que se aproba o Texto Refundido da Lei reguladora das facendas locais, o establecemento de novos prezos ou tarifas, así como a modificación dos existentes delégase na Xunta de Goberno Local do concello.

DISPOSICIÓN DERRADEIRA

A presente ordenanza entrará vigor unha vez publicado o acordo no Boletín Oficial da Provincia e manterase vixente mentres non sexa derogado expresamente ou modificado"

APROBACIÓN POLA XUNTA DE GOBERNO LOCAL DE 18 DE SETEMBRO DE 2014
PUBLICACIÓN NO BOP Nº 194 DE 8 DE OUTUBRO DE 2014